



GIUSEPPE CABIZZOSU

BIBLIOTECA

www.giuseppcabizzosu.it

Luigi Cabras
(Bessùde 18?? - 18??)

**Poesie scelte
in lingua sarda**



GIUSEPPE CABIZZOSU

BIBLIOTECA

www.giuseppcabizzosu.it

Luigi Cabras

(Bessude 18?? - 18??)

Poesie scelte
in lingua sarda



GIUSEPPE CABIZZOSU

BIBLIOTECA

www.giuseppcabizzosu.it

Luigi Cabras

(Bessude 18?? - 18??)

Poeta di Bessude.

Rosa ses de sas rosas capitana

Rosa ses de sas rosas capitana,
a totu has superadu in sa bellesa,
pro t'alabare sa mente est suspesa,
est ca pares zeleste e no humana,
ses perenne de glorias funtana,
sublimadu fiore in candidesa;
de nobilesa donos t'accumpagna'
ses luna risplendente in sa campagna.
Impleadu est su meu pensamentu
pensende in sos alabos de ti dare,
non che nd'hat una pro t'agualare
pro ca ses de sas rosas fundamentu,
ses de totu sas bellas cumplimentu,
ses distesa bandela intro 'e mare.
Cumparare ti depo, ma cun chie?
chi non che nd'hat a ugualare a tie.
Consideradu accò su parrer meu
inter me hapo fattu riflessione:
chi t'aggualet nisciuna persone
causat su l'intender modu feu,
ca ses sa prima ch'hat formadu Deu
in te s'inserrat ogni perfessione,
ne cumparassione hapo de ti dare
ne limba su chi ses a l'isplicare.
Non m'abbastat sa mente, sa memoria
a narrer su chi ses, lizu doradu,
ses gravegliu in sa matta annoditadu
accumpagnadu cun ramos de gloria,
ses palma subra palmas de vittoria,
ses su primu retrattu in terra nadu,
ses doradu fiore e rampu azzesu
chi risplendura tantu das de tesu.
Si su pensare mi turbat sa mente
tantu narrer non poto ind'un'istante:
ses relughidu sole in su Levante,
ses luna de su chelu resplendente,
ses su consolu de chi t'hat presente,
dicciosu a chie t'hat esser amante!
Ses de sas abbas brigliante funtana,
angelicu retrattu e no umana.
Sas meraviglias non poto contare,
su chi ses non si podet definire,
Deus solu t'hat cherfidu eligire
pro ti poder d'ognunu venerare,
ses bellesa infinita singulare,
dicciosu cuddu chi t'hat a boddire!
Ses de oddire rampu de gesminu,

ses de mirare, fiore divinu.
Mesu turbada est sa fantasia,
non podet relatare pius sa mente;
ind'ogni modu no indifferente
in sas perfessiones sola ebbia,
cumpendiu formadu de allegria
su pius bellu retrattu evidente,
dai s'Onnipotente confirmada,
bella subra sas bellas resaltada!
Pro finis sa divina onnipotenzia
pro grande meraviglia t'hat formadu,
in te hat produidu e confirmadu
donos, trattos, bellesa e sabienza;
pro ider sola a tie a sa presenzia
mortos cantos no hat resuscitadu?
Finis, su nadu est nudda, si mi cres,
cunforme a su chi tue bella ses.